

衢州文獻集成

【經部】

第

7

冊

國家圖書館出版社
National Library of China Publishing House

衢州文獻集成

黃靈庚 諸葛慧艷

主編

〔經部〕

第
7
冊

國家圖書館出版社

圖書在版編目(CIP)數據

衢州文獻集成：全200冊／黃靈庚 諸葛慧艷主編．—北京：國家圖書館出版社，2015.9

ISBN 978-7-5013-5543-3

I. ①衢… II. ①黃… ②諸葛… III. ①地方文獻-彙編-衢州市 IV. ①K295.53

中國版本圖書館 CIP 數據核字(2015)第 025038 號

書 名 衢州文獻集成(全200冊)

著 者 黃靈庚 諸葛慧艷 主編

責任編輯 張愛芳 靳 諾

助理編輯 黃 靜

封面設計 敬人工作室 黃曉飛

出 版 國家圖書館出版社(100034 北京市西城區文津街7號)

(原書目文獻出版社 北京圖書館出版社)

發 行 010-66114536 66126153 66121313 66175620

66171706(傳真) 66126156(門市部)

E-mail btsfxb@nlc.gov.cn(郵購)

Website www.nlcpress.com→投稿中心

經 銷 新華書店

印 裝 河北三河弘翰印務有限公司

版 次 2015年9月第1版 2015年9月第1次印刷

開 本 787×1092(毫米) 1/16

印 張 8501.875

書 號 ISBN 978-7-5013-5543-3

定 價 126000.00 圓

(宋)夏僊撰

尚書詳解二十六卷
(卷十七至二十一)

清乾隆武英殿刻本

第七冊目錄


尚書詳解二十六卷(卷十七至二十二)

(宋)夏僊撰
清乾隆武英殿刻本

.....

尚書詳解

十



尚書詳解卷十七

宋

夏

僎

撰

武成

武王伐殷往伐歸獸識其政事作武成

此篇蓋武王勝商之後歸馬放牛偃武修文史官于是自往伐之始至歸獸之後記錄其始終設施之政事作武成之書故其序所以言武王伐殷往伐歸獸識其政事作武成識之言記也記其始終之政事然此篇所以名爲武成者非必主言武王武功有成蓋

以此篇有柴望大告武成之言故史官掇取武成二字以名篇亦猶梓材篇有若作梓材之語故以梓材名篇非有取于梓材之意也但此篇以文意連屬考之則不能無疑王氏則誤認孟子取二三之說因以孔安國所傳爲失序遂更易之且謂設從舊文而不易則王朝步自周于征伐商不屬於底商之罪之前王來自商至于豐不屬於天下大定之後惟須江徐先生謂實王公疑之之過也是書乃武王翦商之功已成而後作非辛紂尚存之日作也如使如王公所

言序首載伐商之語繼屬反歸之辭以成文則武王
出師誓衆悉在是篇不當先有泰誓牧誓矣如記日
以戊午甲子之類旣舉于泰誓牧誓正是往伐誓衆
之書此篇正是歸獸反周識其政事之書若首書一
月壬辰旁死魄越翼日癸巳王朝步自周于征伐商
此史臣記王往伐之意厥四月哉生明至示天下弗
服此史臣記王歸獸之意丁未祀于周廟暨百工受
命于周此史臣記武王功成祀廟告天庶邦奔走聽
命之意王若曰至天下大定此史臣叙武王告下之

爾乃反商政至垂拱而天下治此又史臣識王政事
之實此其所以爲武成也其文豈必相屬哉此說有
理特從之

武成惟一月壬辰旁死魄越翼日癸巳王朝步自周于
和伐商厥四月哉生明王來自商至于豐乃偃武修文
歸馬于華山之陽放牛于桃林之野示天下弗服

此史官記武王伐商之終始也此一月卽泰誓所謂
一月也周之正月商之十二月也是時正朔未建不
可云正月其時已爲周又不可追用商正朔故但云

一月蓋權時之宜也泰誓言一月戊午蓋記其至孟
津之日也此言一月壬辰翼日癸巳乃記始發鎬京
時也漢書歷志謂死魄朔也生魄望也魄是月之輪
郭月之一日則生明魄死故謂之死魄故二日壬辰
爲旁死魄蓋以其日近于死魄也武王朝步自周往
征伐商乃是癸巳日不直言癸巳而先言惟一月壬
辰旁死魄乃始言越翼日癸巳王朝步自周于征伐
商者蓋先言一月壬辰爲歷起也歷家推步尤難于
日月合朔合朔既定則千載之日可坐而致此武成

所以首言一月壬辰旁死魄也既記日月合朔于上
于是繼以伐商之日蓋武王伐紂實以一月初三日
癸巳興師故言越翼日癸巳王朝步自周于征伐商
翼日是明日也以今日爲主則明日爲輔故明日爲
翼日也而武王早朝步行自竭京之周而東往伐商
也至其月二十八日戊午則師至孟津渡孟津而次
于河朔卽泰誓所謂一月戊午師渡孟津與下文所
謂惟戊午師逾孟津者是也二月則辛酉朔四日甲
子武王則以是日滅紂卽牧誓所謂甲子昧爽是也

由是言之則武王之伐紂自始興周凡二十五日則至孟津三十一日則滅紂也此不載戊午甲子二日之事者蓋此特載往伐與歸周之始末故旣載一月壬辰旁死魄越翼日癸巳王謂步自周于征伐商卽載四月哉生明王來自商也唐孔氏謂其年閏二月庚寅朔三月庚申朔四月己丑朔此則言厥四月哉生明蓋謂四月三日月始生明其日當是辛卯也前言死魄此言生明其實一也特史官變文耳蓋武王旣克商于是以四月三日始自商來歸至于豐豐蓋

文王所都之地也武王旣勝商而歸則弔民伐罪其事畢矣于是偃息其武功而修舉其文事凡負重致遠之牛馬無所復用馬則歸于華山之南牛則放之于桃林之野示天下以今旣偃武則不復服牛乘馬華山桃林皆近豐之地蓋牛馬旣不用則不復羈絆而縱之無人之境以適其性也此所謂偃武修文卽禮記所謂武王勝商濟河而西馬散之華山之陽而弗復乘牛放之桃林之野而弗復服車甲釁而藏之府庫倒載干戈包之以虎皮天下知武王之不復用

兵也散軍而郊射左射貍首右射騶虞而貫革之射
息也此卽所謂偃武修文之事也

丁未祀于周廟邦甸侯衛駿奔走執豆籩越三日庚戌
柴望大告武成旣生魄庶邦冢君暨百工受命于周王
若曰嗚呼羣后惟先王建邦啓土公劉克篤前烈至于
太王肇基王迹王季其勤王家我文考文王克成厥勲
誕膺天命以撫方夏大邦畏其力小邦懷其德惟九年
大統未集予小子其承厥志

此又史官記武王歸周祀廟告天之事與夫告羣后

之言也唐孔氏于上厥四月哉生明云是四月三日
辛卯則此丁未蓋是四月十九日也武王歸周至十
九日乃告祭于周家先祖之廟卽后稷而下至文王
也武王旣告廟故近而邦甸遠而侯衛皆大奔走而
執豆籩以助祭祀又三日庚戌是四月二十二日武
王乃燔柴祭天望祀山川告天地以武功之成旣告
廟祭天矣于是盡此生魄已後之日四方諸侯與凡
執事之臣皆于周受命蓋武王新卽位四方皆朝見
新君俯首聽命所以正始也以厯考之月旣望則魄